

# Азьялань

УАССР, Ярысь ВКП(б) райкомлэн  
но РИК-лэн органы

№ 27  
(299)

17

апреле

1938 аре

„Руководящей партийной орган'эсты быр'ён'эс ортчытэмын луыны кулэ партийно-политической ужез азьланьын всемерно жутон улсын (под знаком), парторганизациослэсь массаосын кусыпсэс юнматон но парторганизациос азьын сыл'эсь политической но хозяйственной задачаосты азинлыко бидэс'ян улсын“.

(ВКП(б) ЦК-лэн постановлениысьтыз)

## Ет'инлэсь урожайзэ вылэ жутон

Ет'инлэсь но пышлэсь урожайзэ вылэ жутон ласянь, партилен Центральной Комитетэз но правительство четкой но валамон программа с'ет'ызы, со асьмелы ет'ин'я синмаськымонэсь показател'эс басытны, конкретной с'юрес возматэ.

СССР-лэн Совнаркомезлэн постановлениез вань колхозник'эсын но колхозницаосын бад'зым мылкыдын пумитамын луыны кулэ. Со бидэсак колхозной крестьянстволэн но асьмелэн бидэс государствомылэн интерес'эссылы отвечать каре.

Основной сельско-хозяйственной культураос'я урожайностымы асьмелэн вискарытэк будэ, куд-ог колхоз'эс тысэ культураос'я бад'зым урожай басытонэз добит'я карыськызы ни, нош ет'инлэсь волокназэ но кидысэ вылэ жутон ласянь асьме районьсы колхоз'эс туж ичез показател'эс иметь каро нышна. 1937 арын асьме район од'г гектарысь, шоролыко лыдын вераса, ет'ин мертчан 0,68 центнер басытэмын, нош план'я 3 центнер басытны тупатэмын вал.

Дизьмино сельсоветысь Кагановичлэн нимыныз нимама колхоз 1937 арын ет'инлэсь доходзэ, котькуд колхоз сярысь бад'зымэсь показател'эс басытэ. Со 65 гектар вылысь ет'инлэсь волокназэ но кидысэ государстволы сдать карем понна 23918 манет доход басытэ. Со п'олын ик планзэслэсь мултэсэн сдать карем понна 6552 манет премия басытэ.

Та колхоз, кылем арын мында ик ке, государстволы продукция сдать карыны быгатэ, то 1938 арын ет'инэз контрактовать карон ласянь, партилен но правительстволэн постановлениез'я 39660 манет доход, но со п'олысь 11934 манет преми басытоз. Колхоз 1937 арын од'г гектар вылысь 378 манет доход басытэ, нош 1938 арын од'г гектар вылысь 610 манет доходзэ басытоз. Со с'яна 1938 арын ет'ин трестаез льнозаводэ нуллэм понна, 5 копейка центнерлы бидэ од'г километрысь тыремын луоз. Со 861—49 манетлы составлять каре.

Льноводство шонер агротехникаез, агрономической кивалтонэз но контролез требовать каре. Нош калыклэн подлой враг'эсыныз разработать карем севооборот'эс ет'инэз умой предшественник'эслэсь лишать карыл'эз, колхозной бусыосысь клеверез вытеснять карыл'эз, урожайность жутонэз котькызы ик тормозить карыл'эз.

Тужгес ик бад'зым удар лэсьтэмын вал ет'инлэн семеноводчествоезлы. Со бидэсак сурамын вал. Народной Комиссар'эслэн Советсылэн постановлениез та'че положенилы пум понэ. Земельной орган'эс азе, агроном'эс, вань колхозник'эс но колхозницаос азе важнейшой задачаос пукт'эз.

Правительстволэн решениосаз бад'зым внимание вис'яны косэмын, что каждой бригадаос пушкын 5—7 мурт'ем льноводной звеноос кылдыт'ян практика пасыкыт в'олмытэмын луыны кулэ. Со звено аслаз участок бордаз бидэс ар чоже ужа.

Марке колхозын ет'ин'я выл'э урожай басытон полна нимысьтыз звено организовать карымтэ ке на, соос али ик, сое организовать кароно луо.

Ет'инлэсь удалтонлыкэс жутон понна вань колхоз'эсын, бригадаосын но звеноосын социалистической соревнованиен ужанэз пасыкыт в'олмытоно, чтобы 1938 арын ет'инэз асьме район бад'зымэсь показател'эс иметь мед кароз, сое добит'я карыськыны асьмелэн быгатонлык'эсмы вань.

### Кружок'эс умой ужало

РСФСР-лэн но Удмуртской АССР-лэн Верховной Совет'эсазы быр'ён азелы дасяськон Бачумово сельсоветысь Володарский нимо колхозын умой пуктэмын. РСФСР-лэсь но Удмуртской АССР-лэсь Конституциоссэсь но избира-

тельной закон'эссэс изучать карон понна колхозын вить кружок ужа, кружок'эсын пятидневкалы бидэ од'гпол занятиос луыло. Кружок'эсын 127 мурт колхозник'эс дышетско. Ваньмыз занятиос 5 пол вал ни. МАКСИМОВА.

Бачумово сельсоветысь Сталин нимо колхозын колхозник'эс но колхозницаос РСФСР-лэн но Удмуртской АССР-лэн Верховной Совет'эсазы быр'ён азелы

дасясько. Колхозын ныль кружок'эс ужало. Кружок'эсын 180 мурт колхозник'эс охватить каремын. Ваньмыз 14 мурт агитатор'эс ужало. В. СЕМАКИН.

## Союзной республикаосын избирательной комиссия Грузинской ССР-ысь

Ноккуно вылымытэ шумпотонэз Грузиысь трудящойсэсь Грузинской республикалэн ЦИК-езлэн Грузинской ССР-лэн Верховной Советтаз быр'ёнлэсь нуналзэ об'явить карем сярысь постаановленизэ пумитазы. Грузиысь трудящойсэ али дыре: бад'зым под'ёмен охватить каремын. Тбилиси станциысь ужас'эслэн с'обраниязы Григорашивили аслаз выступленияз вераз:

—112-т'и июне 1938 аре —вераз со—Грузилэн историйаз замечательной нуналэн луоз. Со нуналэ грузинской калык аслаз республикаезлэн Верховной Органаз самой лучшей калык'эссэ ыстоз. 12-т'и июне грузинской калык эшшо од'гпол коммунист'эслэн но беспартийнойсэслэн блоксылэсь вормонтэм кужымзэс продемонстрировать карозы. Ленинлэн—Сталинлэн великой ужзылы беззаветной преданностьсэс продемонстрировать карозы.

Трос калык'эсын митинг'эс республикаысь город'эсын, селоосын ортчизы. Избирательной кампанилэсь кутскемзэ рабочий коллектив'эс производственной план'эсты бидэс'ян понна вань кужыменызы кутскыса отмечать каро.

### Армянской ССР-ын

Еревань городлэн предприятисаз учреждениосаз но вуз'эсаз 14-т'и апреле собраниос ортчизы. Со с'обранияосын Армянской ССР-лэн Верховной Советаз быр'ён Округной избирательной комиссиосы кандидат'эсты выдвигать карон'эс ортчиз.

Центральной избирательной комиссиа аслаз первой заседаниаз избирательной документ'эслэсь ваньмызлэсь формаоссэс юнматэ. (ТАСС).

### П. Н. Барышников партияе восстановить каремын

„Молот“ колхозын, Байдалино сельсоветысь Барышников П. Н. 23 октябре 1937 аре ВКП(б) райком ВКП(б) кандидатэсь куштэмын вал. Барышников эшез созы ик токма пумысь обвинять карыса 5 ноябре 1937 аре „Азьялань“ газетэ „Буржуазный националистэн Ивановен, но вармаиныз кулакэн связь возе“ шуыса гожтэмын вал. ВКП(б) райком валляла решенизэ П. Н. Барышников эш сярысен отменить кариз но Барышниковез партияе реабилитировать (восстановить) кариз.

Сокольнической осовахиимезлэн райсоветлэн (Москва) кавалерийской школаз, производстволэсь люкиськытэк, егит ныл'эс вал вылын ветлыны дышетско. К'оняез ке соос п'олысь „Ворошиловской всадниклы“ экзаме́н сдать карызы ни.



СУРЕД ВYЛЫН: Ныл'эс Ворошиловской всадник'эс. Паллянысен буре Шабудина Светлана—Ростокинской районьсы (Москва) 280-т'и школалэн 9-т'и классысьтыз отличница но Ермоченко Вера—Московской областной клинической институтлэн 2-т'и курсысьтыз студенка.

### Владимир Маяковский


Тямы ар талэсь азьло 14 апреле 1930 аре, революцилен талантливейшей поэтэзлэн В. Маяковскийлэн с ю л э м ы з ж у г ы с ь к е м ы с ь д у г д ы з.

Вордскиз со Грузиын 7-т'и июне 1894 аре Багдалы селениын. 15 арескысен со литература уже но Российской социал-демократической партияе пыре. Со аре ик сое арестовать каро. 1909 арын кыктэт'эз арест улэ шеде. Тюрмаын солэн пукемез 'оз потылы, интысь интые сое ялам вош'яллызы.

Маяковский зуч литератураез трос вылэсь замечательной поэмаосыныз, стих'эсыныз узырмыт'эз.

Маяковский сярысь Сталин эш тазы вераз:

„Маяковский вал но кыле лучший талантливейшей поэтэн асьме советской эпохаын“.



В. В. Маяковский—статуэткаез И. М. Чайков скульпторлэн.

### Подписчик'эслы газет уг вуы

Ворцинской почтовой агенстволэн почтовой агентэз Гаврилов эш подписчик'эслы газет'эсты дыраз уг ыс'я. Ульяновской льнозаводлэн бухгалтерез Булдаков эш „Легкая индустрия“ газетлы 17-т'и мартэ гожскиз. Нош Булдаков али но газет уг басыты на.

—Малы мыным газет уг вуы? Булдаков эш юа ке.

—Тон бер выписать карид. Соин ик уг вуы шуыса Булдаков эшез почтовой агент Гаврилов буйгатэ.

Ульяновской льнозаводысь ик сортировщица Аввакумова Булдаковлэсь дас нуналлы бер „Легкая индустрия“ газетлы гожскиз. Подпискаез'я Аввакумовалы апрель толэзе газет басытны нышна уг вуы вал, а Гаврилов солы газет ыс'я.

Укана почталы Гавриловлэсь ужзэ эскерыса, кулэ уж'эс, кутыны кулэ.

БУЛДАКОВ,

